



Najava za medije – 3. novembar 2025. godine

Put oko svijeta u jednoj dvorani: Diplomatski zimski bazar 2025. godine vraća se u Sarajevo 6. decembra

Najtoplija zimska tradicija Sarajeva se vraća! Diplomatski zimski bazar 2025. godine održat će se u subotu, 6. decembra, od 11:00 do 17:00 sati u dvorani “Mirza Delibašić”, Skenderija — I ponovo poziva posjetioce da istraže svjetske kulture i kuhinje, dok istovremeno pružaju podršku važnom humanitarnom cilju.

Ovaj omiljeni humanitarni događaj tradicionalno pretvari dvoranu “Skenderija” u živopisni mozaik nacija, dok ambasade i međunarodne organizacije predstavljaju kulinarske specijalitete, ručno izrađene rukotvorine i kulturne tradicije iz cijelog svijeta. Lokalni izlagači također će ponuditi bogat izbor jedinstvenih poklona i poslastica, dok će kutak za djecu osigurati mnogo zabave za naše najmlađe goste. Kao i prethodnih godina, posjetioци će moći učestvovati u tihoj aukciji ekskluzivnih predmeta. Ovogodišnji događaj također će naglasiti važnost smanjenja plastičnog otpada i poticanja reciklaže.

Primarna misija Bazara je prikupljanje sredstava za djecu i mlade u potrebi širom Bosne i Hercegovine. Sav prihod biće doniran zaslužnim organizacijama koje podržavaju djecu sa fizičkim ili mentalnim poteškoćama, djecu bez roditeljskog staranja, te porodice koje su u teškom materijalnom stanju.

Organizovan od strane međunarodne zajednice i vođen volonterima, Diplomatski zimski bazar okuplja ljude oko zajedničkog humanitarnog cilja. Pojedinačni sponzori i donatori također omogućavaju održavanje ovog događaja — njihova velikodušnost preptvara empatiju u konkretnu akciju. Posebno zahvaljujemo ovogodišnjim ključnim partnerima — Toyota BH, Telemach Fondacija, DPM Metals, Pomozi.ba, Grad Sarajevo i Kanton Sarajevo — te ističemo posebnu podršku koju su ove godine pružili NATO Štab Sarajevo i misija EUFOR Altea.

„Događaji poput Diplomatskog zimskog bazara njeguju razvijanje osjećanja solidarnost kroz rad ka zajedničkom cilju,“ kaže David Badower, predsjednik Organizacijskog odbora. „Tokom godina prikupili smo značajna sredstva i podržali brojne divne organizacije širom BiH — njih 27 samo u 2025. godini. U ovim izazovnim vremenima, ovaj izraz velikodušnosti i zajedništva je važniji nego ikad, i nadamo se da ćemo i ove godine imati mnogo posjetilaca.“

Ulaznice će biti puštene u prodaju od **3. novembra** na blagajni dvorane „Skenderija“ i u Europe House-u kod Vječne vatre. Ulaz je besplatan za djecu do 10 godina. Oni koji ne mogu prisustvovati, a žele podržati ovu akciju, ohrabruju se da doniraju kampanji Diplomatskog zimskog bazara putem web stranice **pomozi.ba**.